



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/07-00244 pillugu ataasinngornermi ulloq 28. maj 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 16. maj 2007-imi ataatsimiinneranni imm. 2b)

Tunitsiviit Royal Greenland A/S-imut aamma Arctic Prime Fisheries-imut tunineqarnerisa kingorna kiffartuussinissamik isumaqatigiissummi Arctic Green Food A/S-imut akiliutit ikilisinneqarneri kiisalu tunitsiviit tunineqarnissaannik imaluunniit ingerlanneqarnerisa allamut tunniunneqarnissaannik Arctic Green Food A/S-ip periarfissaqarnissaannik akuersineq.

Naalakkersuisut **inassutigaa**,

kontomi pingaarnermi 64.10.14-imi, Tunisassiorfinni ingerlatsinissamik isumaqatigiissutinut tunngasumi, aningaasaliissutit 12.500.000 kr.-inik ikilineqassasut, aamma

kontomi pingaarnermi 20.11.50-imi, Ingerlatsinermut sillimmatinut tunngasumi, aningaasaliissutit 12.500.000 kr.inik ilaneqassasut.

Aningaasaqarnermut Ataatsimiititaliap oqaaseqaatai

Arctic Green Foodip (AGF) ingerlataasa ilaat annertuut tunineqarnerat tunngavigalugu kiffartuussinissamut isumaqatigiissummut AGF-imut akiliutaasartut ukiumut 12,5 mio. kr.-inik ikilineqarnissaat Naalakkersuisut qinnutigaat. Tamatuma kingorna pisortat kiffartuussinissamut isumaqatigiissutinut qaammammut akiliutigisartagaat 2,5 mio. kr.-iulissapput, taakkulu tunisassiorfimmuut ataatsimut qaammammut 278.000 kr.-inik akiliuteqartarnissaq naligaat.

Tamatuma peqatigisaanik AGF-imi tunisassiorfiit sinneruttut qulingiluat tuniniarneqarnissaat ingerlatsisussarsiuunneqarnissaalluunniit Naalakkersuisunit akuersissutigineqarpoq. Tamatumanili oqaatigineqarluni tunisassiorfiit piginnittuulerumaartunit tiguisussanilluunniit allanit imminut akilersinnaasunngortinneqarnissaat ungasinnerusorlu isigalugu kiffartuussinissamik isumaqatigiissutit aqutigalugit akiliuteqarfigineqartarunnaarnissaat naatsorsuutigineqartoq.

AGF-imi tunisassiorfiit sinneruttut qulingiluat ingerlatseqatigiiffimmuut assersuutigalugu Greenland Venturemut tunineqarsinnaanerat isummernissamut tunngavissiami aalajangersimasumik isummerfigineqanngilaq, tak. KNR-imi 24. maj 2007-imi saqqummiunneqartoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit
akuersissutigineqarput.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua